

Ulloq: 11. Juli 2019  
Allaffik: Nordatlanteheden  
Sullissisoq: Anders Futtrup  
Suliap normua: 2017-730-0016  
Allagartaq uppern.: 1082653

**Kalaallit Nunaanni pinerluttulerinermi inatsisip allanngortinnissaanut siunnersuut (Illoqarfimmi illuliorfiusimasumi illuinnarsuutiniq eqqunngitsumik iginnerup pinerluuteqarsimasutut isigineqalernera, takunnissimasunik illersuinerup annertusinera, inip nakkutilliiffiusup atorneranut piunasaqaatinik iluarsiiineq il.il.) pillugu tusarniaanermut akissutit pillugit**

## **TAMAKKIISUMIK TAKUSSUTISSIAQ OQAASERSUGAQ**

### **1. Tusarniaaneq**

Inatsisissatut siunnersuummut missingiut piffissami 10. december 2018-imiit 10. januar 2019-imut oqartussaasunut, kattuffinnut il.il. tulliuuttunut tusarniaassutigineqarpoq:

Nunatta Eqqartuussivia, Kalaallit Nunaanni Eqqartuussivik, Domstolsstyrelsen, Rigsadvokaten, Rigspolitiet, Kalaallit Nunaanni Politimestereqarfik, Pinerluttunik isumaginninnermi Pisortaqaarfik, Kalaallit Nunaanni Pinerluttunik Isumaginnittut, Den Danske Dommerforening, Dommerfuldmægtigforeningen, Eqqartuussisut Peqatigiiffiat, Foreningen af Offentlige Anklagere, Politiforbundet i Danmark, Kalaallit Nunaanni Politiit Peqatigiiffiat, Fængselsforbundet, Advokatrådet, Danske Advokater, Landsforeningen af Forsvarsadvokater, Kalaallit Nunaanni Eqqartuussissuserisut Peqatigiiffiat, Kalaallit Nunaanni Illersuisartut Peqatigiiffiat, Inuttut pisinnaatitaaffinnut institutti, Retspolitisk Forening kiisalu Landsforeningen KRIM.

Inatsisissatut siunnersuummut missingiut aamma piffissami 20. december 2018-imit 10. januar 2019-imut Kalaallit Nunaanni Namminersorlutik Oqartussanit oqartussaasunut, suleqatigiiffinnut allanullu ukununnga tusarniaassutaavoq:

Meeqqat Inuusuttullu Oqaloqatigiinnittarfiat (MIO) – Meeqqat illersuisuat, Godthaab Jagtforening, Kalaallit Nunaanni Aalisartut Piniartullu Kattuffiat (KNAPK), Tapertaralugu Piniartartut Aalisartartullu Kattuffiat (TPAK), Qalut Vónin A/S, Orsiivik ApS, Sulititsisut, Kommuneqarfik Sermersooq, Avannaata Kommunia, Kommune Kujalleq, Qeqqata Kommunia, Kommune Qeqertalik, Peqqissutsimut Naalakkersuisoqarfik, Aningaasaqarnermut Nunanilu Avannarlerni suleqatigiinnermut Naalakkersuisoqarfik, Pinngortitamut, Avatangiisinut Ilisimatusarnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Kalaallit Nunaanni Aalisarnermut Akuersissutiniq Nakkutilliisoqarfik (KANUAANA).

Justitsministeeriaqarfik tusarniaanermut akissutiniq ukununnga tigusaqarsimavoq:

Nunatta Eqqartuussivia, Kalaallit Nunaanni Eqqartuussivik, Domstolsstyrelsen, Rigsadvokaten, Rigspolitiet, Kalaallit Nunaanni Politimestereqarfik, Pinerluttunik isumaginninnermi Pisortaqaarfik, Den Danske Dommerforening, Foreningen af Offentlige Anklagere, Politiforbundet i Danmark, Inuttut pisinnaatitaaffinnut institutti, Kalaallit Nunaanni Aalisartut Piniartullu Kattuffiat (KNAPK), Qalut Vónin A/S, Sulititsisut, Kommuneqarfik Sermersooq, Qeqqata Kommunia, Kommune

Qeqertalik, Peqqissutsimut Naalackersuisoqarfik, Pinngortitamut, Avatangiisinut Ilisimatusarnermullu Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Kalaallit Nunaanni Aalisarnermut Akuersissutinik Nakkutilliisoqarfik (KANUAANA).

Tusarniaanermut akissutini immikkoortut pingaarnerutinneqartut ataani issuarneqarput.

Tusarniaanermut akissutininut Justitsministeriaqarfimmit oqaaseqaatit *uingasunnngorlugit* allanneqarput.

## 2. Tusarniaanermut akissutit

### 2.1 Nalinginnaasumik

**Nunatta Eqqartuussiveqarfia, Kalaallit Nunaanni Eqqartuussivik, Rigsadvokaten, Den Danske Dommerforening, Politiforbundet i Danmark, Kalaallit Nunaanni Politimestereqarfik, Rigspolitiet, Kalaallit Nunaanni Aalisartut Piniartullu Kattuffiat (KNAPK), Sulititsisut, Kommuneqarfik Sermersooq aamma Pinngortitamut, Avatangiisinut Ilisimatusarnermullu Naalackersuisoqarfik** inatsisissatut siunnersuummut missingiummut oqaaseqaateqanngillat.

**Domstolsstyrelsen**-ip aamma **Foreningen af Offentlige Anklagere**-ip oqaatigaat pinerluttut pillugit suliat inatsisissatut siunnersuutip malitsigisaanik amerlassusaasa ineriartornerannut malinnaassallutik, tassami siunissami ungasinnerusumi oqartussat isumalluutissanik amerlanerusunik pilersorneqartariaqalersinnaammata. Domstolsstyrelsen-ip aamma Foreningen af Offentlige Anklagere-p Kalaallit Nunaanni sakkut pillugit inatsimmumut, tusarniaanermut atatillugu inatsisissatut missingiummut ilaasimasumut, tassuuna aamma toraagaqarmata maluginiarneqarpoq, takuuk immikkoortoq 3-mi ataani pineqartoq.

Isertitsivinni ininut nakkutilliiffiusunut inissiinissaq pillugu aalajangersakkap siunnersuutigineqartup Kalaallit Nunaanni Pinerluttunik Isumaginnittut oqaaseqaatigisimasai Kalaallit Nunaanni Eqqartuussiveqarneq pillugu Siunnersuisoqatigiinnut saqqummiunneqarsimasut uteqqikkai **Kalaallit Nunaanni Pinerluttunik Isumaginnittut** maluginiarpaat.

### 2.2 Illoqarfimmi illuliorfiusimasumi igittarneq

Tulliuttuni issuarneqartup isummap imarisaa “illoqarfimmi illuliorfiusimasumi” qanoq nassuiarneqassanersoq aamma nunap assingani taakku sumiiffiit titarnilerlugit pigineqarnersut pillugit ilisimatitsisoqaaqaa **Aalisarnermut, Piniarnermut Nunalerinermullu Naalackersuisoqarfiup** kissaatigaa, kiisalu Kalaallit Nunaanni Aalisarsinnaanermut akuersissutinik nakkutilliisoqarfiup (KANUAANA) asimi illuaqqat illoqarfimmi illuliorfiusimasutut isigineqarsinnaanersut ilisimatitsissutigeqaaq.

*Illoqarfimmi illuliorfiusimasumi igitsisoqartarnera pillugu maleruagassat – ullumikkut politiit ileqqoreqqusaanni allassimasut – pinerluttulerinermut inatsimmumut ilanngunneqarnissaat siunnersuutigineqartoq inatsisissatut siunnersuummut nassuiaatini nalinginnaasuni (imm. 2.1.2)*

*takuneqarsinnaavoq, tassunga pissutaavoq illoqarfimmi illuliorfusimasumi igittarnerup inerteqquataalluinnarnerata naqissuserneqarnissaa Justitsministeeriaqarfiup kissaatigimmagu.*

*Taamaattumik aalajangersagaq siunnersuutigineqartoq piffinni politiit ileqqoreqqusaanni § 12-imi inerteqqummut naapertuuttutut isigineqartassaaq. Inatsisissatut siunnersuummi § 1, nr. 1-imut nassuiaammut atatillugu allassimavoq, pinerluttulerinermut inatsimmi § 90, imm. 2-mi siunnersuutigineqartumi illoqarfik illuliorfigineqarsimasoq imatut paasineqassasoq, tassaasoq illoqarfiit nunaqarfiillu, soorluttaaq aamma sumiiffiit najugaqarfiusut suliffeqarfefarfiit nunaleriffiilluunniit assinganik paasineqassasut. Akerlianilli sumiiffiit ataatsimik illuarartallit, pingaarnertullu sumiiffiit piniariartunut illuarartallit unnuisarfittallillu, piniariat piniarnermut atatillugu atortagaat, ilanngunneqassanngillat.*

*Oqaatsit "Illoqarfimmi illuliorfusimasumi" nunap assingani sumiiffinnut naapertuuttuaannanngimmata, illoqarfiillu nunaqarfiilluunniit ineriartorneri ilutigalugit alliartoqataasarmat Justitsministeeriaqarfiup nunat assinganik ilanngussassiarortoqarnissaa pissusissamisoorinngilaa. Sumiiffinnut pineqartunut atatillugu illoqarfiup killeqarfiinik allanillu paasinnineq nalinginnaasoq tunngavigalugu inissititerneqartariaqarput. Tassunga atatillugu sanaartukkat attaveqaatersuutillu sumiinnerat pingaartinneqartariaqarpoq.*

Illoqarfiit Nunaqarfiillu eqqaanni aallaaniarnermut piniarnermullu atatillugu aallaasit atorneqarsinnaanerata, matumanilu aalisarfiusuni piniarsinnaanermit immikkut maleruagassaqarnerisooq **Aalisarnermut, Piniarnermut Nunalerinermullu Naalakkersuisoqarfiup** ersarlussoraa. Sammivik seqqorfigisaq apeqqutaassanerata ilisimatitsissutigineqarnissaa Naalakkersuisoqarfiup kissaatigaattaq.

**Qalut Vónin A/S** allappoq, Nuup illoqarfiata killeqarfiisa iluini oqattaarsarfeqartoq.

*Inatsisissatut siunnersuummut oqaaseqaatini § 1, nr. 1-imi allassimavoq pinerluttulerinermi inatsimmi § 90, imm. 2-mi siunnersuutigineqartumi allasimasoq illoqarfimmi illuliorfigineqarsimasumit meterit 500-t qaangernagit iginnerit suulluunniit eqqunngitsuusut inerteqquataasullu. Taamatut iginneq nunamiikkaluarpata imaaniikkaluarpalluunniit atuuppoq.*

*Aalajangersagaq siunnersuutigineqartoq unioqqutinneqarnerisooq paasissallugu iginnerup sammivia pinnagu suminnangaanneerisooq pingaaruteqartoq tassunga atatillugu oqaatigineqarpoq.*

*Illoqarfiup nunaqarfiilluunniit tungaanut igittoqassappat, pisut apeqqutaatillugit pinerluttulerinermi inatsimmi unioqqutitsineq pineqarsinnaavoq, matumanilu saniatigut piaaraluni uloriartorsiortitsineq (§ 90, imm. 2) aamma pineqarsinnaalluni. Tamatumunnga atatillugu inatsisissatut siunnersuummi § 1, nr. 1-imut nassuiaatit innersuussutigineqarput.*

*Eqqunngitsumik iginneq aalajangersakkami taamaallaat pineqarmat, taava iginnissaq politiit akuerisimappasuk tamanna inerteqquataanngilaq. Assersuutigineqarsinnaavoq inatsisissatut siunnersuummi allasimasoq oqattaasartarfimmi politiit immikkut akuerisaat oqattaasaraluni unammisarneq.*

*Aalajangersagaq siunnersuutigineqartoq politiit ileqqoreqqusaanni § 12-imi inerteqquataareersumik ingerlatitseqqiinerisooq Justitsministeeriaqarfiup oqaatigaattaq, inerteqqullu matumunnga*

*naapertuutsillugu paasineqartariaqartoq. Taamaattumik inerteqqutip atuuffiata allanngortinnissaa siunnersuutigineqanngilaq.*

## **2.3 Ataatsimoorfimmuq peqataaqqusinnginneq**

Inatsisip allanngortinneranut peqatigitillugu isertitsivinni init nakkutilliiffiusut atorneqartarnerannut atugassarititat tunngavissallu aalajangersimaqqissaartut nalunaarummi ilanngunneqarnissaat Justitsministeeriaqarfiup qulakkiissagaa Inuttut pisinnaatitaaffinnut instituttip kaammattuutigaa.

*Pinerluttulerinermut inatsimmi § 223 a, imm. 1-mi aalajangersagaaq siunnersuutigineqartoq naapertorlugu Kalaallit Nunaanni Pinerluttunik isumaginnittut isertitsivii aalajangersimasut ileqqorissaarnissaaq isumannaatsuunissarlu tunngavigalugit isertitsivimmiittussanngortitamik isersimaartarfimmuq imaluunniit isertitsivinni inini nakkutilliiffiusuni inissiigallarsinnaapput.*

*Siunnersuutigineqartumi imm. 2 naapertorlugu Kalaallit Nunaanni Pinerluttunik Isumaginnittuni aqutsisut isertitsivimmiittussanngortitat najugaqarneri pillugit imm. 1 naapertorlugu maleruagassiussapput, matumani isertitsivinni init nakkutilliiffiusut atorneqarnissaat akuerineqarnissaallu ilanngullugit.*

*Pinerluttulerinermut inatsimmi § 223 a naapertorlugu inissiisarneq pillugu nalunaarummik, inatsisip atuutilerneranut peqatigitillugu, saqqummiussisoqarnissaa naatsorsuutigineqartoq Kalaallit Nunaanni Pinerluttunik Isumaginnittut ilisimatitsissutigaa.*

## **2.4 Eqqarsartaatsimikkut innarluutillit inissinneqartarnissaasa naammassineqarnissaat**

**Peqqissutsimut Naalakkersuisoqarfiup** tarnimikkut nappaatillit eqqarsartaatsimikkullu innarluutillit pillugit erseqqissaat, matumani suut peqqinnissaqarfiup isumaginnittoqarfiullu suliaassarinerai, tigulluarpai.

## **3. Inatsimmut missingiummut sanilliullugu inatsisissatut siunnersuut**

Inatsimmut missingiut tusarniutigineqarsimasooq – pinerluttulerinermi inatsimmut allannguutissatut siunnersuutip saniatigut – Kalaallit Nunaanni sakkut pillugit inatsisip allanngortinnissaanut siunnersuut imarivaattaaq. Kalaallit Nunaanni Naalakkersuisut kissaataat naapertorlugu inatsimmut missingiutip ilaa sakkut pillugit inatsimmut allannguinnissamik tunngasoq inatsisissatut siunnersuummit peerneqarpoq.

Taassuma saniatigut oqaatsitigut kukkunerisuisoqarneratigullu annikitsuinnarnik allannguuteqarpoq.